

Medicinski fakultet je osnovan 1976. godine i od tada do danas je postao jedna od najrespektabilnijih ustanova ove vrste u regionu.

Medicinski fakultet nudi šestogodišnje obrazovanje za stjecanje stručnog naziva doktor medicine. Nastava se odvija za prve dvije godine studija na fakultetu, a nakon prelaska na kliničke predmete, nastava se preseljava u Univerzitetski klinički centar, jednu od najboljih zdravstvenih ustanova u ovome dijelu Europe.

Studenti Medicinskog fakulteta rade s profesorima koji obavljaju i najsloženije medicinske zahvate, uključujući transplantacije organa, operacije na kucajućem srcu i druge složene hirurške zahvate.

Osim studija za sticanje stručnog naziva doktor medicine, na Medicinskom fakultetu djeluje i Visoka zdravstvena škola, za obrazovanje diplomiranih medicinskih sestara. U toku četverogodišnjeg studija, studenti stiču najsavremenija znanja vezana za zdravstvenu njegu, te organizaciju poslova u zdravstvu.

BITI LIJEČNIK JE NEŠTO POSEBNO

«Svako zanimanje značajno određuje društveni identitet čovjeka, ali biti liječnik je nešto po čemu se nositelj tog poziva prepoznaje prije svih drugih obilježja. Biti liječnik nije obično zanimanje kojim se čovjek bavi 8 sati na dan. To je poziv koji se živi, 24 sata dnevno i 365 dana godišnje. Poziv koji obvezuje ne samo tokom radnih dana nego i vikendom, za vrijeme godišnjeg odmora, na putu i u svim drugim prilikama. Liječnički poziv je više od zanimanja. Zato prije primanja diplome o završenom studiju student polaže svečanu Hipokratovu zakletvu kojom se obvezuje na pružanje pomoći svakom čovjeku, bez obzira na spol, rasu, naciju i vjeru. Obavezuje se da će čuvati tajne i štiti dostojanstvo svojih bolesnika te da im neće svojim ponašanjem tokom liječenja nanijeti nepotrebnu bol ili patnju. Želim poručiti svima onima koji dolaze studirati na ovaj fakultet da s preuzimanjem diplome doktora medicine preuzimaju i veliku moralnu odgovornost za časno obnašanje tog poziva», ističe dekan Medicinskog fakulteta **prof. dr. sc. Farid Ljuca**.

Predmeti na prvoj godini:

Anatomija, Biofizika, Biologija, Hemija I, Uvod u informatiku, Anatomija, Hemija II, Histologija i embriologija, Uvod u medicinu i prva pomoć, Humana genetika.
Dopunski kredit: Psihologija komunikacija, Zdravstvena ekologija, Opšti izborni predmet, Biomedicinski inženjering, Osnovi medicinske statistike, Opšti izborni predmet,
Opći izborni predmeti: Bilo koji predmet iz palete predmeta Univerziteta u Tuzli.

MEDICINSKI FAKULTET

opšti smjer

trajanje studija 6 godina

stečeno zvanje:

doktor medicine

visoka zdravstvena škola

trajanje studija 4 godine

stečeno zvanje:

**diplomirani
medicinski tehničar/sestra**

kvalifikacioni ispit
hemija, biologija, fizika

dekan: **prof. dr. farid ljuca**

univerzitetska 1, tel: 035 320 600, 320 601
<http://www.medf.untz.ba>

